

# A kaaitauaki ibukin aia beku ibukin Kiribati



*Iabatera ake a kaaitauaki ibukin aia mwakuri korakora ni karikirakea aia taarena ni mwakuri te roro ni Kiribati. Man te atai: Te Kaben ae e boou n MTC Malte Pertiet, Te Kaben are e a toki ana tai, Boro Lucic, Bereitenti Taneti Maamau, te Mataniwi are e a bane ana tai n KIT, Antoine Barnaart, ao te Mataniwi are e na onea mwiina, Julie Kean*

A TIA ana Kuura ni Kataneiai te Tautaeka aika te Marine Training Centre ao te Kiribati Institute of Technology ni karaoa aia botaki ni karaaure nakoia aia tia kairiiri ake a a bane aia tai ao ni butimwaeia onean mwiia aika a boou.

N te bukamaru aio, ao e a tabekii iai ana kakaitau te Tautaeka, rinanon te Botaki ibukin Kammwakuri ao Karikirakean aia Konabwai Aomata, nakoia Antoine Barnaart, te Mataniwi ngkoa n KIT ao Kaaben Boro Lucic, te Captain Superintendent n MTC, n aia beku mwaaka are e a tia ni karekea te rikirake nakon ana kuura ni kataneiai Kiribati aikai.

Tabeua mai buakon rikirake ake a tia ni kakoauaki ao n namakinaki n ana kuura ni kataneiai Kiribati aika KIT ao MTC n aron are e mwanewei te Minitita ibukin Kammwakuri ae Ruateki Tekaiara, bon kinaakin ngkai ana standard KIT n te angareirei ae nakoroi ao te beeba are e teimatoa n anga nakoia ana ataei ae e kinaaki n te aonnaba.

Te reitaki are e a tia naba KIT ni waakin ma APTC ao TAFE South Australia, ake a ibuobuoki naba ibukin karababaan karekean rabakauia te nati ni

*Reitana ni iteraniba 4*

# A kaaitauaki ibukin aia beku ibukin Kiribati

Kiribati iaon rabakau aika a kakaokoro bon inanon KIT ao i tinanikun Kiribati ao ni karekei beeba aika a kinaaki iaon Aotiteria.

Eng, aikai ake a bon bane n riki inanon ana tai Antonne Barnaart ni kaira ana waaki KIT, inanon te maan ae 5 te ririki.

Ibukin ngkanne rikiraken MTC aika a tia naba ni kakoauaaki ake kanoan ana kairiiri Captain Boro bon

kinaakin ngkai MTC bwa teuana te tabo ni kataneiai ibukin te mwakuri i taari ae e rianako n ara aono ae te Betebeke ao n tia naba ni karekea karineakina n te aonnaba.

N 2010, iaan naba ana kairiri Captain Boro ao e a karekea iai kinaakin MTC iroun te IMO, are e a karikia naba bwa te moan tabo ni kataneiai

n te Betebeke ni kinaaki iroun IMO. Ao a mwaiti kurikuri riki.

N ana taeka Ruateki ao e katerea bwa e a tia Kiribati, n rangi ni kakatonga ao n ebiebi irouia taan kairiri aikai ake a tiku ngkai maeran aia mwakuri bwa te kabwaia nakoia te nati ni Kiribati.

E a tia Captain Boro Lucic ni kabanea 9 te ririki ni

mwakuri bwa te Captain Superintendent

E ngae n anne ao e bon anga naba ana taeka ni butimwaei te Minitita nakoia taan kairiri aika a boou ao ana katekeraoi naba nakoia ibukin n tauan tibwangaia ae e boou iaon Kiribati.

Nei Julie Kean, ngaia are e na riki bwa te Mataniwi ke te tia kaira ngkai KIT ao Malte Pertiet e na tararua

MTC.

Ibukon ana maroro ni butimwaei ao e bon kaota naba tatauraoin te Tautaeka ni Kiribati ao ana aobiti n uaia n reitaki ni mwakuri ma taan kairiri aikai, ibukin karikirakean te nati ni Kiribati, rinanon MTC ao KIT.

Iruwaa aika a roko n te tai anne bon Beretitenti Taneti Maamau, Te Tia Moti ae Rietata, Sir John Muria Taan Tei man aban tinaniku ake a aobiti ikai, bwakuakun te Tautaeka ao tabeman riki.